



Concello de Arbo

BASES VI CERTAME DE FOTOGRAFIA DA “LXVI FESTA DA LAMPREA”

1.- Obxectivo e finalidade do concurso:

O Concello de Arbo convoca o **VI Certame de Fotografía “LXVI Festa da Lamprea”**, para dar a coñecer os recursos turísticos que este municipio pode ofrecer, así como a Festa da Lamprea, declarada de interese turístico nacional no ano 2016, que este ano esta prevista para os días 24, 25 e 26 de abril de 2026.

O obxectivo do concurso non é outro que premiar as mellores instantáneas, as máis espectaculares e orixinais realizadas por calquera persoa en calquera punto deste concello.

2.- Participantes:

Poderán participar todas as persoas físicas ou xurídicas que o desexen, sexa cal sexa a súa nacionalidade ou lugar de residencia. Será condición indispensable que os traballos sexan orixinais e inéditos, do que o autor se fai responsable coa mera presentación do traballo, certificando con iso que os traballos non teñen restricións de uso.

Os beneficiarios ou premiados non poderán estar incursos nalgunha das prohibicións establecidas no artigo 13.2 da Lei 38/2003 do 17 de novembro , Xeneral de Subvencións.

3.- Tema:

As fotografías deben estar realizadas nalgún punto do termo municipal de Arbo, con plena liberdade para editalas como prefiran os e as concursantes.

A temática será a LXVI Festa da Lamprea e deberá reflectir o que simboliza a Festa da Lamprea para Arbo, así como se valorase a creatividade, a orixinalidade e a inclusión de valores culturais, patrimoniais, etnográficos relacionados coa Lamprea e Arbo.

3.- Envío de fotografías. -





Concello de Arbo

Os que desexen participar no certame, deberán enviar las fotografías ao correo electrónico oficinas.concellodearbo@gmail.com

No correo remitiranse os seguintes datos.

- *Título da obra;*
- *Número da fotografía*
- *Nome e apelidos do autor*
- *D.N.I. do participante*
- *Domicilio e teléfono de contacto*
- *Correo electrónico dos participantes (e-mail).*
- *Declaración xurada de que se aceptan as bases do concurso e cédese o dereito das fotografías ao Concello de Arbo*

4. Características das fotografías.-

As imaxes participantes deberán incorporar unha identificación do seu autor/a (nome e apelidos ou un sobrenome) e deberán ter unha referencia ao lugar de Arbo en que foi realizada. É opcional o engadir calquera información ou comentario que se desexe..

As imaxes deberán ser necesariamente orixinais, inéditas non sendo presentadas e/ou premiadas noutros certames ou concursos.

As imaxes poderán ser en cor ou branco e negro.

Cada participante poderá presentar ata **un máximo de tres fotografías** en cada modalidade. O contido das mesmas necesariamente estará relacionado co tema do concurso.

As fotografías deberán ser propiedade do autor que as presente ao certame.

5.- Prazo de presentación e finalización de entrega

Os traballos presentarse a partir do día seguinte da publicación nas redes sociais e paxina web da Festa. O prazo para presentar as fotografías acaba o 16 de marzo de 2026.





Concello de Arbo

6.- Xurado e Votación:

As fotos recibidas en tempo e forma, serán avaliadas por un xurado composto por un representante dos distintos ámbitos sociais e culturais do Concello de Arbo, polo arquitecto municipal, polo alcalde ou persoa en quen delegue e por un traballador do Concello de Arbo que actuase como secretario/a do Xurado que terá voz, pero non voto, e cuxas deliberacións e conclusións deixásense constancia nunha acta.

As fotos gañadoras serán as que máis puntos obteñan polo xurado.

7.- Premios:

Establécense os seguintes premios para as fotografías gañadoras:

PRIMEIRO PREMIO: Visita ao Centro de Interpretación do Viño e a Lamprea “Arabo”, un vale para dúas persoas para practicar deporte de aventura no Río Miño. Comida para dúas persoas nun dos restaurantes de Arbo. Un lote de viño das adegas de Arbo.

SEGUNDO PREMIO: Visita ao Centro de Interpretación do Viño e a Lamprea “Arabo. Comida para dúas persoas nun dos restaurantes de Arbo. Un lote de viño das adegas de Arbo.

TERCEIRO PREMIO: Un Pack Especial de botellas das adegas de Arbo.

Os autores premiados comprométese a recoller os premios no acto *da Gala da Lamprea* e cuxa data se comunicará aos premiados. No caso excepcional e xustificado de non poder asistir ao acto, o premiado poderá nomear a unha persoa no seu lugar para recoller o premio.

O día e lugar da Gala, estará dentro das actividades programadas nos actos da Festa da Lamprea e que será debidamente notificado aos gañadores.

Para a verificación da identidade dos/as gañadores/as, requirirase documento de identificación (DNI, NIE, pasaporte,...) no caso de coincidencia do seu nome de usuario na rede social e nome real.

En caso de utilizar un nick distinto ao nome real, deberá acreditarse a identidade mediante o ingreso no usuario premiado co uso dalgún dispositivo móbil no momento da entrega de premios.





Concello de Arbo

8.- Traballos presentados:

As propostas presentadas e premiadas quedarán en poder do Concello, podendo facer uso das mesmas para calquera evento que se desenvolva, e podendo ser obxecto de exposición ou reprodución por parte dos convocantes, sen que iso conleve dereito de retribución algunha para os concursantes.

O Concello poderá efectuar cantas reproducións sexan necesarias do cartel que obteña o premio e difundilo, sen que polo seu autor se poida evocar algún tipo de dereito ao respecto, podendo empregar a imaxe completa do cartel ou parte del para realizar material relacionado coa festa.

De igual maneira, poderá introducir algunha modificación nos carteis premiados se existise algunha dificultade técnica para a súa impresión ou para introducir algún texto ou logotipo que non figure inicialmente nas bases.

Cada participante do concurso garante a autoría e orixinalidade das fotos que remita, e que as mesmas non constitúen copia, nin modificación total ou parcial de ningunha obra ou elemento preexistente ou que de calquera modo infrinxa os dereitos de terceiros, así como que non se achan sometidas a ningunha outra promoción resolta ou pendente de resolución que limite a participación noutros concursos. Neste sentido os participantes asumen plena e exclusiva responsabilidade pola participación que realizan e comprométese a manter indemne ao Concello de Arbo, fronte a calquera reclamación de terceiros que traia causa da vulnerabilidade das presentes garantías.

Polo mero feito da súa participación, cada participante cede ao Concello de Arbo os dereitos de explotación sobre as fotografías (reprodución e comunicación pública) e autoriza a esta entidade para canto resulte necesario no desenvolvemento deste concurso, publicación en web e redes sociais, así como a súa exhibición en pantallas, exposicións, etcétera, sempre que se indique o nome, alias, sobrenome ou nick, segundo indique o/a participante que as remitiu. Esta autorización concédese con expresa facultade de cesión a terceiros e sen limitación xeográfica ou en canto a sistemas ou formatos.

O concello de Arbo resérvase o dereito de utilizar ou non as fotos participantes ou gañadoras.





Concello de Arbo

As persoas gañadoras consente expresamente na utilización do seu nome e os seus apelidos na forma e medios que os organizadores do concurso estimen conveniente para dar a coñecer a súa condición de gañador ou participante neste concurso.

9.- Publicidade:

A convocatoria deste concurso e as súas bases, así como os sucesivos anuncios relativos ao concurso publicaranse na web da festa da lamprea (www.festadalamprea.gal), así como nas redes sociais do mesmo e nas redes sociais da festa da lamprea de Arbo.

10.- Normas en materia de Protección de datos:

Os datos persoais que os participantes ou gañadores do presente concurso faciliten para a participación no mesmo e no seu caso, para o adecuado desenvolvemento do concurso, serán tratados, na súa condición de responsable, polo Concello de Arbo.

A lexitimación para o tratamento dos datos é o cumprimento dunha misión realizada en interese público ou no exercicio de poderes públicos conferidos ao responsable do tratamento en base á Lei 7/1985, do 2 de abril, Reguladora das Bases do Réxime Local, e á Lei 38/2003, do 17 de novembro, xeneral de subvencións, e a Lei 9/2007, do 13 de xuño, de subvencións de Galicia.

Os datos persoais proporcionados polos participantes e gañadores do concurso serán tratados coa finalidade de levar a cabo a tramitación xeral do presente procedemento de concorrencia (concurso) e o desenvolvemento das prestacións derivadas do mesmo, polo que se conservarán mentres sexan necesarios para as estas finalidades e, en todo caso, durante os prazos establecidos pola lexislación vixente.

Así mesmo, determinados datos poderán ser publicados, nos termos previstos na lexislación vixente, a través de medios de comunicación institucionais como Boletíns ou Diarios Oficiais, páxinas web ou taboleiros de anuncios, coa finalidade de dar a publicidade legalmente esixida ao procedemento.

No caso de que os participantes no concurso facilitasen datos de carácter persoal de terceiros, incluídos os relativos ao persoal ao seu servizo, previamente á súa inclusión deberán informar as persoas interesadas dos extremos establecidos nos parágrafos anteriores.





Concello de Arbo

As persoas interesadas poderán acceder, rectificar e suprimir os seus datos, así como exercitar outros dereitos ou revogar o consentimento segundo o previsto na sede electrónica do Concello de Arbo (<https://concellodearbo.sedelectronica.gal>)

De igual forma poderán poñerse en contacto coa persoa delegada de protección de datos e obter información adicional segundo o especificado no portal web.

7.- Normas finais:

As fotografías non poderán ser contrarias á lei, á protección da infancia, á dignidade da muller, á honra, á intimidade ou á propia imaxe de persoas ou entidades. Neste sentido, e sen prexuízo da exclusiva responsabilidade da persoa autora das fotografías, a organización do concurso resérvase o dereito de retirar e/ou denegar a participación neste concurso daquelas fotografías sobre as que se constate, ou razoablemente sospéitese, que incumpre este requisito.

O feito de participar neste concurso, o autor da fotografías autoriza a exhibición e publicación das mesmas na exposición e edicións que teñan lugar con motivo do mesmo

As obras presentadas pasarán a ser propiedade do Concello de Arbo, que se reserva todos os dereitos sobre as mesmas e poderá utilizalas posteriormente con fins culturais, artísticos ou publicitarios.

A organización poderá publicar as fotos e os nomes das persoas gañadoras polos medios que estime oportuno.

O feito de participar no concurso implica o coñecemento e aceptación por todos os concursantes das presentes bases.

Os órganos competentes, en cada caso, quedarán facultados para resolver as dúbidas que se presenten e tomar os acordos necesarios para a boa orde do concurso, en todo o non previsto nestas bases.

O Alcalde, Horacio Gil Expósito. Sinatura electrónica.

